

OKVIRNI SPORAZUM o nabavci naftnih derivata

1. **Agencija za zaštitu ličnih podataka u Bosni i Hercegovini**, Sarajevo, Dubrovačka broj 6, ID broj: 4201361110005, koju zastupa direktor dr. Dragoljub Reljić (u daljem tekstu: Ugovorni organ), sa jedne strane, i
2. „Hifa-Petrol“ d.o.o. Sarajevo, sa sjedištem u ulici Hotonj bb, Vogošća, ID broj: 4200999090005 koju zastupa direktor Muhamed Vrabac (u daljem tekstu: Dobavljač).

Član 1.

Predmet Okvirnog sporazuma je nabavka naftnih derivata za potrebe Ugovornog organa prema uslovima iz tenderske dokumentacije i ponude Dobavljača broj: JN – 1781/25 od 15.05.2025. godine, koja čini sastavni dio ovog Okvirnog sporazuma.

Član 2.

- (1) Ukupna vrijednost za isporuku predmetne robe iznosi 34.188,00 KM bez uračunatog PDV-a.
- (2) Nabavka predmetne robe će se vršiti sukcesivno, u skladu sa potrebama i zahtjevima Ugovornog organa i bez prava i ovlaštenja Dobavljača da diktira ili uvjetuje obim izvršenja ovog Okvirnog sporazuma, u periodu od 14.07.2025. godine do 13.07.2027. godine.
- (3) Potpisivanjem ovog Okvirnog sporazuma, Ugovorni organ ne preuzima obavezu niti garantuje izvršenje nabavke predmetne robe u bilo kojem obimu ili vrijednosti, a naročito ne u iznosu iz stava (1) ovog člana.

Član 3.

- (1) Ugovorne strane su se sporazumjele da će, u periodu važenja ovog Okvirnog sporazuma, plaćanje vršiti na bazi maloprodajnih cijena u vrijeme isporuke naftnih derivata i ponuđenog popusta i to ispostavljanjem mjesečne fakture.
- (2) Mjesto isporuke su benzinske pumpe Dobavljača na teritoriji Bosne i Hercegovine.

Član 4.

Ugovorni organ i Dobavljač su saglasni, da Okvirni sporazum realiziraju prema već definisanim uvjetima u tenderskoj dokumentaciji i prema sadržaju ponude sa kojom je Dobavljač učestvovao u provedenom postupku konkurentskog zahtjeva za dostavljanje ponuda.

Član 5.

Dobavljač neće za izvršenje obaveza iz ovog okvirnog sporazuma angažirati podgovarače.

Član 6.

Pojedinačne isporuke naftnih derivata za službena vozila se vrše isključivo upotrebom elektronskih kartica izdatih od Dobavljača.

Član 7.

(1) Dobavljač se obavezuje da robu fakturiše po izvršenoj sukcesivnoj isporuci iste, te uz fakturu dostavlja Specifikaciju prodane robe u kojoj su navedeni: benzinska pumpa, broj fiskalnog računa, datum i vrijeme preuzimanja robe, registarske oznake službenog vozila Ugovornog organa, vrsta naftnih derivata, količina preuzete robe, jedinična cijena naftnih derivata i ukupan iznos računa, potvrđenu od strane Ugovornog organa.

(2) Mjesto isporuke su benzinske pumpe Dobavljača.

(3) Dobavljač zadržava pravo promjene cijena zavisno od uslova nabavke na svjetskom tržištu i primjene kursa BAM/USD, te eventualne promjene zakonskih propisa o visini državnih dažbina ili uvođenju novih dažbina.

(4) Dobavljač se obavezuje uz fakturu dostaviti Ugovornom organu obavještenje o promjeni i korekciji cijene (OPC obrazac) koja se primjenjuje na dan isporuke naftnih derivata.

(5) Popust ponuđen u toku postupka javne nabavke je nepromjenjiv za cijelo vrijeme trajanja Okvirnog sporazuma i obračunavat će se na cijenu naftnih derivata koja je važeća u trenutku isporuke.

Član 8.

(1) Dobavljač se obavezuje na efikasno izvršenje predmeta nabavke.

(2) U slučaju propusta Dobavljača da postupa po Okvirnom sporazumu, Ugovorni organ utvrđuje razumni rok od 30 (trideset) dana za ispravku.

Član 9.

(1) Dobavljač se obavezuje da će predmetnu nabavku izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

(2) U slučaju kašnjenja u isporuci robe do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe.

(3) Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

(4) Ugovorni organ neće naplatiti ugovorenu kaznu ukoliko do kašnjenja dođe usljed više sile.

Član 10.

- (1) Ukoliko, u naknadno ostavljenom roku od strane Ugovornog organa, Dobavljač ne postupi po eventualnim primjedbama na kvalitet isporučene robe. Ugovorni organ ima pravo na djelomičan ili potpuni raskid Okvirnog sporazuma pismenom izjavom da raskida Okvirni sporazum.
- (2) Raskid Okvirnog sporazuma stupa na snagu danom dostave pismene izjave Dobavljaču.
- (3) U slučaju raskida Okvirnog sporazuma iz stava (2) ovog člana Ugovorni organ ima pravo na naknadu stvarne štete i izmakle dobiti.

Član 11.

Dobavljaču se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju Okvirnog sporazuma.

Član 12.

Ugovorni organ se obavezuje da će plaćanje vršiti sukcesivno, u skladu sa trezorskim sistemom, žiralno u roku od 30 dana od dana ispostavljanja mjesečne fakture o isporučenoj robi.

Član 13.

Ovaj Okvirni sporazum stupa na snagu danom obostranog potpisivanja Ugovornih strana i zaključuje se na period od 24 mjeseca počevši od 14.07.2025. godine do 13.07.2027. godine ili do utroška sredstava.

Član 14.

Sve eventualne nastale sporove pri realizaciji ovog Okvirnog sporazuma, Ugovorne strane će rješavati sporazumnim putem, u protivnom ugovara se nadležnost Suda Bosne i Hercegovine u Sarajevu.

Član 15.

Svaka od Ugovornih strana može otkazati ovaj Okvirni sporazum pismenim putem, uz otkazni rok od 15 (petnaest) dana iz svih razloga propisanih Zakonom o obligacionim odnosima.


Član 16.


Za sve što nije regulisano ovim Okvirnim sporazumom, primjenjivat će se odredbe Zakona o obligacionim odnosima.

Član 17.

Ovaj okvirni sporazum je sačinjen u 5 (pet) istovjetnih primjeraka, od čega Ugovorni organ zadržava 3 (tri) primjerka a Dobavljač 2 (dva) primjerka.


DOBAVLJAČ



Direktor
Muhamed Vrabac



Broj: 1281/25
Datum, 20.06.2025.

UGOVORNI ORGAN




Direktor
dr. Dragoljub Reljić

Broj: UP1 08-16-19-10-21/25
Datum, 16.06.2025. godine